

139

21. maí

Rafmagnseftirlitið varast að láta upplýsingar þær, er það fær samkv. 8. gr., svo og aðra vitneskju um rekstur, framleiðsluaðferðir o. þh., sem það fær vegna raf-fangaprófunarinnar, berast til annara, og skuldbindur starfsmenn sína til að halda leynd um þær.

10. gr

Rafmagnseftirlitið birtir svo oft, sem þurfa þykir, skrá yfir viðurkennd rafföng.

Rafmagnseftirlit ríkisins, 21. maí 1940.

Jakob Gíslason.

140

20. júní

AUGLÝSING

um ýmsar tegundir raffanga.

Af neðantöldum tegundum raffanga er skylt að senda rafmagnseftirliti ríkisins sýnishorn til prófunar og viðurkenningar, og má ekki flytja þau rafföng til landsins eða gera þau innanlands, selja þau eða afhenda til notkunar, fyrr en viðurkenning rafmagnseftirlitsins er fengin, nema sérstakt leyfi þess komi til í hvert sinn, sbr. reglur um raffangaprófun rafmagnseftirlits ríkisins, dags. 21. maí 1940.

1. Raflagningar- og línuefni fyrir lágspennu, eins og nánar greinir hér á eftir:
 - Einangraðar raftaugar allt að 50 mm² að gildleika.
 - Vír í loftnet fyrir útvarpstæki, ber og einangraður.
 - Raflagnapípur og búnaður þeirra.
 - Bræðivör allt að 200 amp málstraum og allt, sem þeim tilheyrir.
 - Rofar allt að 200 amp málstraum, þar með taldir snarar, hnappar, hvers konar sjálfvirkir rofar, hitastillar og aðrir liðar, sem notaðir eru við neyzluveitur, o. s. frv.
 - Tenglar, þar í taldir allir tengilhutar, falir, kvislar, greinitenglar o. s. frv. af hvers konar gerð.
 - Lampahöldur, stórar og smáar, af hvers konar gerð.
 - Þéttar og spólur til truflanadeyfinga.
 - Allur annar búnaður raflagna, t. d. tengi- og greinidósir og -kassar, kúpur, einangrarar og vödur, klemmur, strengskór, inntök, gegntök o. s. frv.
 - Búnaður loftneta við útvarpsviðtæki.
2. Rafmagnsáhöld og vélar:
 - Lampar, svo sem handlampar, baðherbergislampar, eldhússlampar, allir vatnsþéttir lampar, saumavélalampar, ennislampar og aðrir lampar til sérstakrar notkunar o. fl. þk., en ekki stofulampar, ljósakrónur o. þk. Þó skulu rafföng í þeim lömpum vera af viðurkenndri gerð.
 - Eldunaráhöld hvers konar.
 - Bökunarofnar.
 - Ofnar til húshitunar.
 - Vatnshitunaráhöld, þar í taldir rafmagnsmiðstöðvarkatlar.
 - Þvottavélar, þvottavindur, þvottakefli o. þk.
 - Strokvélar og strokjárn.
 - Alls konar handáhöld með rafmagnshitun eða rafhreyflum.

Rafmagnsáhöld til heimilisnotkunar, sem ekki eru þegar talin.

140

Hárþurrrkur og áhöld til hárlíðunar.

20. júní

Spennar til að lækka spennu í hættulausa spennu fyrir hringingarlagirnir, leikföng o. þk.

Rafmagnseftirlit ríkisins, 20. júní 1940.

Jakob Gíslason.

REGLUR

141

9. júlí

um viðskipti talstöðva og loftskeytastöðva í íslenskum skipum.

Með tilliti til ástandsins í landinu eru hér með settar eftirfarandi reglur um viðskipti talstöðva og loftskeytastöðva í íslenskum skipum:

1. Öll samtöl við einstaklinga í landi eru bönnuð.
2. Öll viðskipti við land, hvort sem er frá talstöðvum eða loftskeytastöðvum, fari fram í skeytaformi og afrit af skeytum sendist póst- og símamálastjórninni strax eftir hver mánaðamót.
3. Öll samtöl milli skipa fari aðeins fram á 188 metra öldulengd, en þó skal 181,8 metra öldulengd notuð til þess, og einungis til þess, að kalla upp aðrar stöðvar og til neyðarþjónustu.
4. Samtöl milli skipa mega aðeins innihalda nauðsynlegustu tilkynningar er varða beinlínis fiskveiðarnar eða siglingu skipsins.
5. Samtöl, er fela í sér dulmál, eru stranglega bönnuð, svo og samtöl á öðrum tungumálum en íslenzku.
6. Dulmál og símnefni í loftskeytum og talskeytum eru bönnuð.
7. Fullt nafn sendanda skal vera undir hverju skeyti.
8. Öll innbyrðis loftskeytaviðskipti, nema neyðarþjónusta og uppköllun annara stöðva, skal fara fram á 800 metra öldulengd, en talskeytaviðskipti á 188 metra öldulengd. Hins vegar á að nota 600 metra öldulengd og 181,8 metra öldulengd til neyðarþjónustu og til þess að kalla upp aðrar stöðvar, en einungis til þess. Í viðskiptum við strandarstöðvar ákveður strandarstöðin hvaða öldulengd skipið skuli nota í hverju einstöku tilfalli.
9. Í hvert skipti sem skipatalstöð kallar á annað skip eða strandarstöð, skal hún nefna greinilega nafn skipsins, sem hún er í og umdæmisbókstafi og tölu.
10. Brot gegn þessum reglum hefir í för með sér tafarlausa lokun stöðvarinnar, endurköllun leyfisbréfs og starfskirteinis, nema þyngri refsing liggji við samkvæmt lögum.
11. Framangreindar reglur ganga þegar í stað í gildi.

Póst- og símamálastjórnin, 9. júlí 1940.

Guðmundur Hlíðdal.

G. Briem.